



স্কাউটরা হলো চেঞ্জ মেকার -মহামান্য রাষ্ট্রপতি ও চীফ স্কাউট

স্কাউটরা হলো চেঞ্জ মেকার। আমার বিশ্বাস তারা ব্যাডেন পাওয়েলের 'Try and leave this world a little better than you found it' এই গুরুত্বপূর্ণ উক্তিকে স্মরণ করে সমাজ পরিবর্তনে সবসময় অবদান রাখবে। বিগত ৫ নভেম্বর, ২০১৮ তারিখে কৃষিবিদ ইনস্টিটিউশন বাংলাদেশ (কেআইবি) মিলনায়তন, ফার্মগেট, ঢাকায় বাংলাদেশ স্কাউটসের জাতীয় কাউন্সিল এর ৪৭তম বার্ষিক সাধারণ সভার উদ্বোধনী অনুষ্ঠানে গণপ্রজাতন্ত্রী বাংলাদেশের মহামান্য রাষ্ট্রপতি ও চীফ স্কাউট জনাব মোঃ আবদুল হামিদ এ কথা বলেন।

তিনি আরো বলেন ২০১৭ সালে স্কাউট আন্দোলনে অনন্য অবদানের স্বীকৃতিস্বরূপ যে সকল স্কাউট নেতৃবৃন্দ স্কাউটের সর্বোচ্চ অ্যাওয়ার্ড 'রৌপ্য ব্যান্ড্র' ও 'রৌপ্য ইলিশ' অ্যাওয়ার্ডে ভূষিত হয়েছেন আমি তাঁদেরকে আন্তরিক অভিনন্দন ও শুভেচ্ছা জানাচ্ছি। সিনিয়র নেতাদের

পাশাপাশি যেসব স্কাউট 'প্রেসিডেন্ট'স রোভার অ্যাওয়ার্ড' ও 'প্রেসিডেন্ট'স স্কাউট অ্যাওয়ার্ড' অর্জন করেছে আমি তাদেরকেও প্রাণঢালা অভিনন্দন জানাই। আমার বিশ্বাস, এ অর্জন দেশের তরুণ ও যুব সমাজকে স্কাউট আন্দোলনে অংশগ্রহণ করতে আরও উদ্বুদ্ধ ও অনুপ্রাণিত করবে। রবার্ট





ব্যাডেন পাওয়েল ১৯০৭ সালে স্কাউট আন্দোলনের যে সূত্রপাত করেছিলেন তা আজ শতবর্ষ অতিক্রম করে বিভিন্ন দেশে ছড়িয়ে পড়েছে। শিশু-কিশোর ও যুবদের চরিত্রবান, আত্মপ্রত্যয়ী, দেশপ্রেমিক, সেবাপরায়ণ ও সুনাগরিক হিসেবে গড়ে তোলার ক্ষেত্রে এ আন্দোলন বিপুল অবদান রেখে যাচ্ছে। আমাদের দেশে শিশু-কিশোর-তরুণ ও যুবদের স্কাউট কার্যক্রমে সম্পৃক্ত করার পাশাপাশি এ আন্দোলনকে জনপ্রিয় ও দেশব্যাপী ছড়িয়ে দিতে বাংলাদেশ স্কাউটস গুরুত্বপূর্ণ ভূমিকা পালন করে যাচ্ছে। স্বাধীনতার সুবর্ণজয়ন্তীতে ২০২১ সালে ৩২তম এশিয়া-প্যাসিফিক স্কাউট স্কাউট জামুরী বাংলাদেশে অনুষ্ঠিত হবে। এটা অত্যন্ত আনন্দের। বহির্বিশ্বের স্কাউটদের সাথে কাঁধে কাঁধ

মিলিয়ে আমাদের স্কাউটরা দেশের আর্থ-সামাজিক উন্নয়নে আরো অবদান রাখবে-এটাই সকলের প্রত্যাশা।

মহামান্য রাষ্ট্রপতি ও চীফ স্কাউট বলেন বাংলাদেশ আজ উন্নয়ন ও অগ্রগতির মহাসড়কে এগিয়ে চলছে। আর্থ-সামাজিক বিভিন্ন সূচকে বাংলাদেশের অর্জন ইতোমধ্যে বিশ্ববাসীর দৃষ্টি আকর্ষণ করতে সমর্থ হয়েছে। বাংলাদেশ বিশ্বে আজ উন্নয়নের 'রোল মডেল' হিসেবে বিবেচিত হচ্ছে। তা সত্ত্বেও মহান মুক্তিযুদ্ধের লক্ষ্য অর্জনে আমাদের আরও অনেক দূর যেতে হবে। সর্বকালের সর্বশ্রেষ্ঠ বাঙালি জাতির পিতা বঙ্গবন্ধু শেখ মুজিবুর রহমান এর 'স্বপ্নের সোনার বাংলা'কে আধুনিক বিজ্ঞান এবং তথ্য-প্রযুক্তির ডিজিটাল বাংলাদেশ হিসেবে গড়ে তুলতে হবে। এ জন্য





শিশু-কিশোর ও যুবদের নৈতিক ও ব্যবহারিক শিক্ষার পাশাপাশি দেশপ্রেমে উদ্বুদ্ধ করতে হবে। আমাদের মুক্তিসংগ্রাম ও মুক্তিযুদ্ধের সঠিক ইতিহাস যাতে স্কাউটরা জানতে পারে এবং মুক্তিযুদ্ধের চেতনাকে নিজেদের মধ্যে ধারণ করতে পারে স্কাউট নেতৃবৃন্দকে সে লক্ষ্যে কার্যকর পদক্ষেপ নিতে হবে। স্কাউট আন্দোলন আরো বেগবান হোক, দেশের প্রতিটি শিক্ষা প্রতিষ্ঠানে ছড়িয়ে পড়ুক- এ প্রত্যাশা করি।

মহামান্য রাষ্ট্রপতি ও চীফ স্কাউট বলেন আজকের শিশুরাই আগামী দিনের ভবিষ্যৎ; দেশের মূল চালিকা শক্তি। তাই তাদেরকে নৈতিক শিক্ষা ও ব্যবহারিক প্রশিক্ষণের মাধ্যমে সুশিক্ষিত করে গড়ে তোলা আমাদের

অন্যতম প্রধান দায়িত্ব। সমাজে স্বার্থপরতা, হিংসা, লোভ ও নৈতিকতার অবক্ষয় শিশু-কিশোরদের উপর নেতিবাচক প্রভাব ফেলছে। পাশাপাশি বিশ্বব্যাপী সন্ত্রাস, জঙ্গিবাদ, মৌলবাদ ও প্রযুক্তির অপব্যবহারও তরুণদের বিপক্ষে পরিচালিত করতে ভূমিকা রাখছে। এতে অনেক সম্ভাবনাময় প্রতিভা অকালে বারে যাচ্ছে। এ অবস্থা থেকে তরুণদের মুক্ত রেখে তাদের মানবিক মূল্যবোধসম্পন্ন সুনাগরিক হিসেবে গড়ে তুলতে হবে। স্কাউট আন্দোলন এ ক্ষেত্রে কার্যকর ভূমিকা রাখতে পারে।

মহামান্য রাষ্ট্রপতি ও চীফ স্কাউট বলেন পরোপকারী ও স্বেচ্ছাসেবী হিসেবে একজন স্কাউট সকলের স্নেহ ও ভালোবাসা অর্জন করতে পারে। লেখাপড়ার পাশাপাশি





স্কাউটরা দুর্যোগকালীন দ্রুত সাড়া দান, নিরাপদ সড়ক নিশ্চিত করণে অবদান রাখা, জঙ্গিবাদ ও মাদকবিরোধী বিভিন্ন কর্মসূচি গ্রহণ, স্বাস্থ্যসেবা, বিদ্যুৎ ও জ্বালানী ক্যাম্প, স্যানিটেশন, বৃক্ষরোপণ ও পরিবেশ রক্ষার মতো বিভিন্ন সমাজ গঠনমূলক কাজে কার্যকর ভূমিকা রাখছে। এ জন্যে আমি তাদের ধন্যবাদ জানাই। বাংলাদেশ সাম্প্রদায়িক সম্প্রীতির দেশ। হাজার বছর ধরে নানা জাতি-ধর্মের মানুষ এই ভূখণ্ডে শান্তিপূর্ণভাবে মিলেমিশে বসবাস করে আসছে। তাই সাম্প্রদায়িক সম্প্রীতি আমাদের সুমহান ঐতিহ্য। সম্মিলিতভাবে এ ঐতিহ্যকে অব্যাহত রাখতে হবে। আমার দৃঢ় বিশ্বাস ভবিষ্যৎ প্রজন্মকে আধুনিক, প্রগতিশীল ও সৃজনশীল জাতি হিসেবে গড়ে তুলতে স্কাউটিং কার্যক্রম গুরুত্বপূর্ণ ভূমিকা পালন করতে পারে। স্কাউটরা হলো চেঞ্জ মেকার। আমার বিশ্বাস তারা ব্যাডেন পাওয়েলের ‘Try and leave this world a little better than you found it’ এই গুরুত্বপূর্ণ উক্তিকে স্মরণ করে সমাজ পরিবর্তনে সবসময় অবদান রাখবে।

মহামান্য রাষ্ট্রপতি ও চীফ স্কাউট আরো বলেন বাংলাদেশ স্কাউটসের বর্তমান সদস্য ১৭ লক্ষ, যা জনসংখ্যার অনুপাতে পর্যাপ্ত নয়। স্কাউট সদস্য সংখ্যা ২১ লক্ষে উন্নীত করতে বাংলাদেশ স্কাউটস ‘ন্যাশনাল স্ট্র্যাটেজিক প্লান-২০২১’ বাস্তবায়ন করছে। এ পরিকল্পনার আলোকে স্কাউট সদস্য সংখ্যা বৃদ্ধির পাশাপাশি স্কাউটিং মান বৃদ্ধিতে গুরুত্ব প্রদান করতে হবে। স্কাউটিং এর সুফল সকল পর্যায়ে পৌঁছানোর জন্য পাড়া, মহল্লাসহ শিক্ষা প্রতিষ্ঠানভিত্তিক ও কমিউনিটিভিত্তিক স্কাউটিং চালু করা

একান্ত প্রয়োজন। স্কাউটিংয়ের মাধ্যমে আগামী দিনের যোগ্য নেতৃত্ব তৈরিতে স্বতঃস্ফূর্তভাবে এগিয়ে আসার জন্য আমি স্কাউট নেতৃবৃন্দ, অভিভাবক, শিক্ষক, জনপ্রতিনিধিসহ উপস্থিত সকলকে আন্তরিক আহ্বান জানাই। স্কাউটিং একটি চলমান প্রক্রিয়া। অতীতের অভিজ্ঞতার আলোকে আগামীতে স্কাউটিং আন্দোলন বেগবান, উন্নয়ন ও সম্প্রসারণে স্কাউট নেতৃবৃন্দ আরো জোরালো ভূমিকা রাখবেন-এ প্রত্যাশা করি। আমি বাংলাদেশ স্কাউটসের উত্তরোত্তর সমৃদ্ধি কামনা করে জাতীয় কাউন্সিলের ৪৭তম বার্ষিক সাধারণ সভার শুভ উদ্বোধন ঘোষণা করছি।

কাউন্সিল সভার উদ্বোধনী অনুষ্ঠানে জনাব নূরুল ইসলাম নাহিদ, এমপি, মাননীয় শিক্ষা মন্ত্রী, জনাব আ হ ম মুস্তফা কামাল, এমপি, মাননীয় পরিকল্পনা মন্ত্রী ও জনাব মোস্তাফিজুর রহমান, এমপি, মাননীয় প্রাথমিক ও গণশিক্ষা মন্ত্রী বিশেষ অতিথি হিসেবে উপস্থিত থেকে বক্তব্য রাখেন। অনুষ্ঠানে সভাপতিত্ব করেন বাংলাদেশ স্কাউটস এর সভাপতি ও মাননীয় প্রধানমন্ত্রীর কার্যালয়ের এসডিজি বিষয়ক মুখ্য সমন্বয়ক জনাব মোঃ আবুল কালাম আজাদ। স্বাগত বক্তব্য রাখেন বাংলাদেশ স্কাউটস এর প্রধান জাতীয় কমিশনার ও মাননীয় কমিশনার, দুর্নীতি দমন কমিশন ড. মোঃ মোজাম্মেল হক খান।

উদ্বোধনী অনুষ্ঠানে মহামান্য রাষ্ট্রপতি ও চীফ স্কাউট স্কাউটিং কার্যক্রমে অনন্য অবদানের স্বীকৃতি স্বরূপ একজন বিদেশীসহ ১৪ জন স্কাউটার ও বিশিষ্ট ব্যক্তিকে বাংলাদেশ স্কাউটসের সর্বোচ্চ অ্যাওয়ার্ড ‘রৌপ্য ব্যাহ্র’ ও দুইজন বিদেশীসহ ১৮ জন স্কাউটার এর মাঝে বাংলাদেশ স্কাউটসের দ্বিতীয় সর্বোচ্চ অ্যাওয়ার্ড ‘রৌপ্য ইলিশ’ বিতরণ করেন। এছাড়াও ২০১৭ সালে সারাদেশের ৫৪৬ জন “প্রেসিডেন্ট’স স্কাউট অ্যাওয়ার্ড ” অর্জনকারী স্কাউট এবং ১০ জন “প্রেসিডেন্ট’স রোভার স্কাউট অ্যাওয়ার্ড ” অর্জনকারী রোভার স্কাউট সদস্যদের মধ্যে প্রেসিডেন্ট’স স্কাউট অ্যাওয়ার্ড ও প্রেসিডেন্ট’স রোভার স্কাউট অ্যাওয়ার্ড বিতরণ করেন। অনুষ্ঠানে গণপ্রজাতন্ত্রী বাংলাদেশ সরকারের মন্ত্রী পরিষদের সদস্য, মাননীয় সচিব, উর্ধ্বতন কর্মকর্তা, বাংলাদেশ স্কাউটস এর জাতীয় নেতৃবৃন্দ, সম্মানিত কাউন্সিলর, ইউনিট লিডার ও অ্যাওয়ার্ড অর্জনকারী স্কাউটবৃন্দ উপস্থিত ছিলেন।

রোভারিং এর শতবর্ষ: জামালপুরে গ্রুপ সভাপতি ওয়ার্কশপ

বাংলাদেশ স্কাউটস, রোভার অঞ্চলের ব্যবস্থাপনা ও বাংলাদেশ স্কাউটস, জামালপুর জেলা রোভারের পরিচালনায় ১৬ নভেম্বর ২০১৮ তারিখে জেলা প্রশাসকের সম্মেলন কক্ষে শতবর্ষে রোভারিং উপলক্ষে গ্রুপ সভাপতি ওয়ার্কশপ অনুষ্ঠিত হয়। ওয়ার্কশপে বিভিন্ন কলেজের অধ্যক্ষ/গ্রুপ সভাপতি ৪২ জন এবং ওয়ার্কশপ পরিচালকমন্ডলী ৫ জনসহ মোট ৬৮ জন অংশগ্রহণ করেন। ওয়ার্কশপে অংশগ্রহণকারীগণকে পাঁচটি উপদলে ভাগ করা হয়। ওয়ার্কশপের পরিচালকমন্ডলী হিসেবে দায়িত্ব পালন করেন আঞ্চলিক সম্পাদক স্কাউটার এ কে এম সেলিম চৌধুরী, স্কাউটার প্রফেসর মো: মোজাহেদ হোসাইন, স্কাউটার মোহাম্মদ আবুল খায়ের, স্কাউটার মুহ. রাকিব উদ্দিন, স্কাউটার মো: জহুরুল ইসলাম। উদ্বোধনী অনুষ্ঠানে অতিরিক্ত জেলা প্রশাসক (সার্বিক) জনাব রাজীব কুমার সরকার এর সভাপতিত্বে প্রধান অতিথি হিসেবে বাংলাদেশ স্কাউটসের জাতীয় কমিশনার (প্রশিক্ষণ) স্কাউটার মোহাম্মদ মহসিন এবং বিশেষ অতিথি হিসেবে বাংলাদেশ স্কাউটস, ঢাকা মেট্রোপলিটন এর কমিশনার জনাব মোঃ শামীমুল হক উপস্থিত ছিলেন। প্রধান অতিথি তার বক্তব্যে বলেন- স্কাউটিং আন্দোলনে জামালপুর জেলাকে অনন্য উচ্চতায় নিয়ে যাওয়ার জন্য জেলার সকলের সহযোগিতা কামনা করেন। মতবিনিময় সভার উদ্দেশ্য উপস্থাপনের পর স্কাউট আন্দোলনের মৌলিক বিষয় নিয়ে আলোচনা করেন স্কাউটার প্রফেসর মোজাহেদ হোসাইন। গ্রুপ সভাপতিগণের দায়িত্ব ও কর্তব্য নিয়ে সেশন পরিচালনা করেন উপ পরিচালক স্কাউটার মোহাম্মদ আবুল খায়ের। বিভিন্ন পরিপত্র নিয়ে আলোচনা করেন আঞ্চলিক সম্পাদক স্কাউটার এ কে এম সেলিম চৌধুরী। ইউনিট পর্যায়ে ক্রু মিটিং নিয়মিত করার উপর আলোচনা করেন স্কাউটার মো: রাকিব উদ্দিন। সুপারিশমালা প্রণয়ন কমিটির পক্ষে সুপারিশ উপস্থাপন করেন স্কাউটার মো: জহুরুল ইসলাম।



সমাপনী অনুষ্ঠানে জেলা প্রশাসক, জামালপুর ও সভাপতি, বাংলাদেশ স্কাউটস জামালপুর জেলা ও জেলা রোভার জনাব আহমেদ কবীর এর সভাপতিত্বে প্রধান অতিথি হিসেবে প্রধানমন্ত্রীর কার্যালয়ের এসডিজি বিষয়ক মুখ্য সমন্বয়ক ও বাংলাদেশ স্কাউটস এর সভাপতি স্কাউটার মোঃ আবুল কালাম আজাদ। বিশেষ অতিথি ছিলেন বাংলাদেশ স্কাউটসের জাতীয় কমিশনার (প্রশিক্ষণ) স্কাউটার মোহাম্মদ মহসিন, পুলিশ সুপার মোঃ দেলোয়ার হোসেন, বিপিএম, অংশগ্রহণকারীগণ পক্ষে মতামত প্রকাশ করেন সরকারি আশেক মাহমুদ কলেজের অধ্যক্ষ প্রফেসর মোজাহিদ বিল্লাহ ফারুকী। প্রধান অতিথি জনাব মোঃ আবুল কালাম আজাদ তার বক্তব্যে বলেন-আপনার সন্তানকে সুনামগরিক হিসেবে গড়ে তোলার জন্য স্কাউটিংই হচ্ছে সবচেয়ে ভাল উপায়। ওপেন চ্যালেঞ্জ দিয়ে বলেন এর চেয়ে ভাল উপায় থাকলে আমিও সেটা করবো। না হলে আপনি স্কাউটিং করবেন। মনের দিক থেকে স্কাউটিংকে গ্রহণ করতে তিনি সকলকে আহ্বান জানান।

রোভারিং এর শতবর্ষ: সাইকেল র্যালী



রোভার স্কাউটিংয়ের শতবর্ষ কার্যক্রমের অংশ হিসেবে দেশব্যাপী সাইকেল র্যালীর আয়োজন করা হয়েছে। সাইকেল র্যালীটি ১০টি শ্লোগান নিয়ে দেশের সকল জেলা হতে ৪ নভেম্বর, ২০১৮ তারিখ শুরু হয়ে ৯ নভেম্বর, ২০১৮ ঢাকা কলেজ মাঠে সমাবেশের মাধ্যমে সমাপ্ত হয়। ১০টি শ্লোগান হলো: (১) দুর্যোগে নাই দিনক্ষণ, প্রস্তুত থাকবো সারাক্ষণ, (২) গাছ লাগান, পরিবেশ বাচান, (৩) শতবর্ষে রোভারিং, সুনাগরিক প্রতিদিন, (৪) ট্রাফিক আইন মেনে চলুন, নিরাপদ সড়ক গড়ুন, (৫) শিক্ষা নিয়ে গড়ব দেশ, শেখ হাসিনার বাংলাদেশ, (৬) সবাই মিলে গড়ি দেশ, মাদক মুক্ত বাংলাদেশ, (৭) জ্বলছে আলো চলছে দেশ, এগিয়ে যাচ্ছে বাংলাদেশ, (৮) দুর্যোগ সহনীয় আবাস গড়ি, নিরাপদে বাস করি, (৯) কুড়ি হলে বুড়ি নয়, বিশের আগে বিয়ে

নয়, (১০) ছেলে হোক মেয়ে হোক, ইভটিজিং বন্ধ হোক। র্যালীসমূহ বিভিন্ন রুটের মাধ্যমে ঢাকা শহরে প্রবেশ করে প্রাথমিকভাবে ঢাকা বিশ্ববিদ্যালয়ের মল চত্বরে জমায়েত হয়ে সেখান থেকে ৯ নভেম্বর, সকাল ০৮:০০টায় ঢাকা শহরের আজিমপুর-পলাশী মোড়-কেন্দ্রীয় শহীদ মিনার-আব্দুল গণি রোড-প্রেসক্লাব-কদম ফোয়ারা-দোয়েল চত্বর-টিএসসি-নীলক্ষেত প্রদক্ষিণ করে সকাল ১১:০০টায় ঢাকা কলেজ মাঠে সমাবেশের মাধ্যমে সমাপ্তি হয়। র্যালীতে দেশের বিভিন্ন জেলার ৭০০ রোভার স্কাউট অংশগ্রহণ করে।

সাইকেল র্যালীর সমাপনী অনুষ্ঠানে প্রধান অতিথি হিসেবে উপস্থিত ছিলেন ড. মোঃ মোজাম্মেল হক খান, মাননীয় কমিশনার, দুর্নীতি দমন কমিশন ও প্রধান জাতীয় কমিশনার, বাংলাদেশ স্কাউটস। সভাপতিত্ব করেন





জনাব মোঃ আবুল কালাম চৌধুরী, সহ সভাপতি, বাংলাদেশ স্কাউটস, রোভার অঞ্চল। অন্যান্যদের মধ্যে বক্তব্য রাখেন জনাব মোঃ রফিকুল ইসলাম খান, জাতীয় কমিশনার, আন্তর্জাতিক। জনাব মোঃ মহসিন, জাতীয় কমিশনার, প্রশিক্ষণ, কাজী নাজমুল হক, জাতীয় কমিশনার, এজুটেশন স্কাউটিং, প্রফেসর মোঃ শামসুল হুদা, কমিশনার, বাংলাদেশ স্কাউটস, রোভার অঞ্চল, প্রফেসর মোঃ মোয়াজ্জেম হোসেন মোল্লা, অধ্যক্ষ, ঢাকা কলেজ। স্বাগত বক্তব্য রাখেন জনাব এ কে এম সেলিম চৌধুরী, সম্পাদক, বাংলাদেশ স্কাউটস, রোভার অঞ্চল।

স্কাউট আন্দোলনের প্রতিষ্ঠাতা রবার্ট স্টিফেনশন স্মিথ লর্ড ব্যাডেন

পাওয়েল অব গিলওয়েল ১৯১৮ সালে ১৭ থেকে ২৫ বছর বয়সীদের জন্য রোভার স্কাউট কার্যক্রম প্রবর্তন করেন। বিশ্বব্যাপী এ আন্দোলন ২০১৮ সালে শতবর্ষ অতিক্রম করেছে। এ উপলক্ষে বিশ্ব স্কাউট সংস্থার ন্যায় বাংলাদেশ স্কাউটস এবং বাংলাদেশ স্কাউটস রোভার অঞ্চল 'শতবর্ষে রোভারিং, সুনাগরিক প্রতিদিন' এ প্রতিপাদ্যকে সামনে রেখে বছরব্যাপী নানাবিধ কর্মসূচি গ্রহণ করেছে। ২০১৭ সালের ৩১ ডিসেম্বর দিবাগত রাতে কেক কাটার মাধ্যমে শতবর্ষ কার্যক্রমের সূচনা করা হয়। শতবর্ষ উপলক্ষে বাংলাদেশ স্কাউটস একটি লোগো তৈরী করে ২০১৮ সালের সকল কার্যক্রমে এই লোগো ব্যবহার করছে। বাংলাদেশ

ডাক বিভাগ এর সহায়তায় স্মারক ডাকটিকিট, সুভেনীর শীট, উদ্বোধনী খাম ও ডাটা কার্ড এর অবমুক্তকরণ করা হয়। অবমুক্ত করেন জনাব মোস্তাফা জব্বার, মাননীয় মন্ত্রী, ডাক, টেলিযোগাযোগ এবং তথ্যপ্রযুক্তি মন্ত্রণালয়। শতবর্ষ কার্যক্রমের অংশ হিসেবে দেশব্যাপী বৃক্ষরোপণ কর্মসূচি এবং জাতির পিতা বঙ্গবন্ধু শেখ মুজিবুর রহমান এর শাহাদাৎ বার্ষিকীতে জাতীয় শোক দিবসের প্রতি শ্রদ্ধা রেখে ১৫ আগস্ট ২০১৮ রক্তদান কর্মসূচিসহ বিভিন্ন কর্মসূচি বাস্তবায়ন করা হয়েছে। এছাড়াও আগামী ৩ থেকে ৮ ডিসেম্বর, ২০১৮ তারিখে বাহাদুর রোভার পল্লীতে শতবর্ষ রোভার মুটের আয়োজন করা হয়েছে।



৪র্থ আইসিটি অ্যাডভান্সড কোর্স

বাংলাদেশ স্কাউটস এর ব্যবস্থাপনা ও পরিচালনায় ৪র্থ আইসিটি অ্যাডভান্সড কোর্স ১৫-২০ নভেম্বর ২০১৮ তারিখে গাজীপুরের মৌচাকের জাতীয় স্কাউট প্রশিক্ষণ কেন্দ্রে অনুষ্ঠিত হয়। কোর্সে সারাদেশ থেকে প্রশিক্ষণ টীমের ৩২ জন সদস্য এবং ৮জন প্রশিক্ষকসহ মোট ৪০ জন অংশগ্রহণ করেন। কোর্সের অংশগ্রহণকারীগণকে পাঁচটি উপদলে ভাগ করা হয়। উপদলগুলোর নামকরণ করা হয়, ফেসবুক, টুইটার, গুগলপ্লাস এবং ইউটিউব নামে। কোর্সের কোর্স পরিচালক হিসেবে দায়িত্ব পালন করেন স্কাউটার মোঃ জামিল আহমেদ। প্রশিক্ষক হিসেবে দায়িত্ব পালন করেন স্কাউটার এএইচএম মুহসিনুল ইসলাম, স্কাউটার খোরশেদ আলম, স্কাউটার মোঃ হামজার রহমান শামীম, স্কাউটার মোঃ শরীফ হোসেন, স্কাউটার মোঃ সাইদুর রহমান ভূঁইয়া, স্কাউটার আবদুল্লাহ আল জাবের এবং স্কাউটার কিংসলে গমেজ। কোর্সের উদ্দেশ্য স্কাউটের সকল



প্রশিক্ষককে আইসিটি জ্ঞানে শিক্ষিত করে তোলা। কোর্স পরিদর্শন করেন দুর্নীতি কমিশনের সম্মানিত কমিশনার ও বাংলাদেশ স্কাউটস এর প্রধান জাতীয় কমিশনার ড. মোঃ মোজাম্মেল হক খান, জাতীয় কমিশনার (উন্নয়ন) জনাব মেজবাহ উদ্দিন ভূঁইয়া মুরাদ, জাতীয় কমিশনার (এক্সটেনশন) কাজী নাজমুল হক নাজু, জাতীয় কমিশনার(প্রোগ্রাম) জনাব মোহাম্মদ আতিকুজ্জামান, নির্বাহী পরিচালক জনাব আরশাদুল মুকাদ্দিস, জাতীয়

উপ কমিশনার(অ্যাডাল্ট রিসোর্সেস) জনাব আমিমুল এহসান খান পারভেজ, প্রকল্প পরিচালক জনাব মোঃ আবু মোতালেব খান, উপ প্রকল্প পরিচালক জনাব মোঃ রুহুল আমিন, ইঞ্জিনিয়ার আব্দুল জলিল, উপ পরিচালক (প্রশিক্ষণ) জনাব মোঃ শামীমুল ইসলাম, উপ পরিচালক এএইচএম মহসিন। প্রধান জাতীয় কমিশনার মহোদয় মতবিনিময়কালে সকল অংশগ্রহণকারীকে আইসিটি প্রশিক্ষণ গ্রহণ করে আইসিটি জ্ঞানে সমৃদ্ধ হতে আহ্বান জানান। ভবিষ্যতে আইসিটি জ্ঞান ছাড়া কোন কিছুই সম্ভব হবে না বলে তিনি মত দেন।

৬দিনের কোর্সে মাইক্রোসফট ওয়ার্ড, পাওয়ার পয়েন্ট, এক্সেল, ফটোশপ, ভিডিও এডিটিং, ইমেইল ব্যবহার, ওয়াইফাই ও ইন্টারনেট ব্যবহার, ব্রাউজার ও সোশ্যাল মিডিয়া ব্যবহার, অনলাইনে প্রশিক্ষণ গ্রহণ পদ্ধতি, অনলাইন সিকিউরিটি সম্পর্কে প্রশিক্ষণ প্রদান করা হয়।





ওয়ার্কশপ অন রিসার্চ মেথোডলজি

বাংলাদেশ স্কাউটস এর গবেষণা ও মূল্যায়ন বিভাগের পরিচালনায় ও ব্যবস্থাপনায় ১৭-১৯ নভেম্বর ২০১৮ জাতীয় স্কাউট সদর দফতরের শামস হলে তিন দিনব্যাপী “ওয়ার্কশপ অন রিসার্চ মেথোডলজি” অনুষ্ঠিত হয়। ওয়ার্কশপে গবেষণা ও মূল্যায়ন বিষয়ক জাতীয় কমিটির সদস্যবৃন্দ, জাতীয় গবেষণা ও মূল্যায়ন টাস্কফোর্স, মূল্যায়ন টিমের রোভার স্কাউটবৃন্দ এবং আঞ্চলিক উপ কমিশনারসহ (গবেষণা ও মূল্যায়ন) মোট ৪৫ অংশগ্রহণ করেন। ওয়ার্কশপ পরিচালকের দায়িত্ব পালন করেন জাতীয় উপ কমিশনার (প্রশিক্ষণ) জনাব মোঃ দেলোয়ার হোসাইন। জয়েন্ট ওয়ার্কশপ ডাইরেক্টরের দায়িত্ব পালন করেন জাতীয় উপ কমিশনার (গবেষণা ও মূল্যায়ন) জনাব মাহমুদুর রহমান।

১৮ নভেম্বর ২০১৮ তারিখে বাংলাদেশ স্কাউটস এর প্রধান জাতীয় কমিশনার ড. মোঃ মোজাম্মেল হক খান ওয়ার্কশপের আনুষ্ঠানিক উদ্বোধন করেন। উদ্বোধনী অনুষ্ঠানে

সভাপতিত্ব করেন গবেষণা ও মূল্যায়ন বিষয়ক জাতীয় কমিটির সভাপতি ও বেগম রোকেয়া বিশ্ববিদ্যালয়, রংপুর এর উপাচার্য প্রফেসর ডক্টর নাজমুল আহসান কলিমউল্লাহ। এছাড়া জাতীয় কমিশনার ও জাতীয় উপ কমিশনারবৃন্দসহ কোর্সের স্টাফবৃন্দ বর্ণিত অনুষ্ঠানে উপস্থিত ছিলেন।

ওয়ার্কশপে মোট ১৭টি সেশনে ৩ জন রিসোর্স পার্সনসহ মোট ৮ জন সেশন পরিচালনা করেন। ওয়ার্কশপের বিভিন্ন সেশনের মধ্যে ছিল - ইভালুয়েশন ইন্ট্রোডাকশন এন্ড অবজেকটিভস, ইভালুয়েশন ডিজাইন, থিওরি অফ চেঞ্জ, প্রসেস এন্ড ইউজ অফ মেথডস ইন ইভালুয়েশন, রিসার্চ এথিকস, রিসার্চ মেথোডলজি ডিজাইনিং কোয়েসচনিয়ার এন্ড ডাটা কালেকশান ইনস্ট্রুমেন্ট, রিপোর্ট প্রিপারেশন এন্ড প্রেজেন্টেশন, ডাটা কালেকশন এন্ড ডাটা এনালাইসিস ইত্যাদি। ওয়ার্কশপে রিসোর্স পার্সন হিসেবে দায়িত্ব পালন করেন : ১। ড. সুচিতা শারমিন, অধ্যাপক, ডেভেলপমেন্ট স্টাডিজ বিভাগ,

ঢাকা বিশ্ববিদ্যালয় ও সদস্য, গবেষণা ও মূল্যায়ন বিষয়ক জাতীয় কমিটি, ২। জনাব আকন্দ আহম্মদ শামসুল আলম, উর্দ্ধতন ব্যবস্থাপনা উপদেষ্টা, বাংলাদেশ ইনস্টিটিউট অব ম্যানেজমেন্ট (বিআইএম) ও সদস্য, গবেষণা ও মূল্যায়ন বিষয়ক জাতীয় কমিটি, ৩। ডক্টর সাবের আহমেদ চৌধুরী, সহযোগী অধ্যাপক, ডিপার্টমেন্ট অব পিস এন্ড কনফ্লিক্ট স্টাডিজ, ঢাকা বিশ্ববিদ্যালয় ও সদস্য, গবেষণা ও মূল্যায়ন বিষয়ক টাস্কফোর্স, বাংলাদেশ স্কাউটস, ৪। জনাব মোঃ মোস্তফা কামাল, উপ প্রধান, প্ল্যানিং কমিশন, পরিকল্পনা মন্ত্রণালয়।

১৯ নভেম্বর ২০১৮ তারিখে অনুষ্ঠিত ওয়ার্কশপের সমাপনী অনুষ্ঠানে প্রধান স্কাউট ব্যক্তিত্ব হিসেবে উপস্থিত ছিলেন বাংলাদেশ স্কাউটস এর কোষাধ্যক্ষ জনাব মোঃ আব্দুস সালাম খান। সভাপতিত্ব করেন বাংলাদেশ স্কাউটস এর জাতীয় উপ কমিশনার (গবেষণা ও মূল্যায়ন) জনাব মাহমুদুর রহমান।

প্রধান জাতীয় কমিশনার এর উন্নয়ন কার্যক্রম পরিদর্শন



গত ১৬ নভেম্বর ২০১৮ শুক্রবার বিকাল ৩.৩০ মিঃ বাংলাদেশ স্কাউটসের প্রধান জাতীয় কমিশনার ড. মোঃ মোজাম্মেল হক খান জাতীয় স্কাউট প্রশিক্ষণ কেন্দ্র, মৌচাক, গাজীপুরে চলমান ‘বাংলাদেশে স্কাউটিং সম্প্রসারণ ও স্কাউট শতাব্দি ভবন নির্মাণ’ প্রকল্প ও সাধারণ খাতের উন্নয়ন কাজ পরিদর্শন করেন। তাঁর এ ভ্রমণকালে জাতীয় কমিশনার (উন্নয়ন) জনাব মোঃ মেসবাহ উদ্দিন ভূঁইয়া, জাতীয় কমিশনার (এক্সটেনশন স্কাউটিং) জনাব কাজী নাজমুল হক নাজু, জাতীয় কমিশনার (প্রকল্প) জনাব মোঃ মোহসীন, জাতীয় কমিশনার (প্রোগ্রাম) জনাব মোহাম্মদ আতিকুজ্জামান রিপন, নির্বাহী পরিচালক জনাব আরশাদুল মুকাদ্দিস, প্রকল্প পরিচালক জনাব মোঃ আবু মোতালেব খান, পরিচালক, মৌচাক জাতীয় স্কাউট ট্রেনিং সেন্টার জনাব এ এইচ এম মুহসিনুল ইসলাম, উপ প্রকল্প পরিচালক জনাব মোঃ রুহুল আমিন, প্রকল্প প্রকৌশলী জনাব মোঃ আবদুল জলিল হাওলাদারসহ মৌচাকের অন্যান্য কর্মকর্তাগণ উপস্থিত ছিলেন।

গত ১৭ নভেম্বর ২০১৮ শনিবার বেলা ১১.০০ মিঃ সিরাজগঞ্জ জেলার যমুনা হার্ড পয়েন্ট এ বিদ্যমান বাংলাদেশ স্কাউটসের জাতীয় স্কাউট প্রশিক্ষণ কেন্দ্রের জমি পরিদর্শন করেন।



ওয়ার্ল্ড স্কাউট ফাউন্ডেশন এর প্রতিনিধি বাংলাদেশ সফর

২১-২৯ নভেম্বর ২০১৮ পর্যন্ত ওয়ার্ল্ড স্কাউট ফাউন্ডেশন এর পক্ষ থেকে বাংলাদেশে টিটিএল, এমওপি এবং রোহিঙ্গা ক্যাম্পে স্কাউট কার্যক্রমের ফিচার স্টোরিজ সংগ্রহে ০২ জন প্রতিনিধি বাংলাদেশ সফর করেন। তাঁদের এ সফর কালে ঢাকাস্থ টিটিএল পদ্মা, তুরাগ, ব্রহ্মপুত্র এবং বুড়িগঙ্গা ইউনিট পরিদর্শন করেন। এছাড়া কক্সবাজারের কুতুপালং রোহিঙ্গা ক্যাম্পে স্কাউট কার্যক্রমের ডকুমেন্টেশন সংগ্রহ করেন। বঙ্গবন্ধু শেখ মুজিব মেডিকেল বিশ্ববিদ্যালয়ের 'গোল্ডেন রিবন' কার্যক্রম পরিদর্শন করেন। তাঁদের এর কার্যক্রমে বাংলাদেশ স্কাউটসের পক্ষ থেকে আন্তর্জাতিক কমিশনার এর নেতৃত্বে জাতীয় কমিশনার (প্রোগ্রাম), জাতীয় উপ কমিশনার (আন্তর্জাতিক) সর্বাত্মক সহযোগিতা প্রদান করেন।



৩৭৯তম স্কাউট ইউনিট লিডার অ্যাডভান্সড কোর্স



বাংলাদেশ স্কাউটস এর পরিচালনায় গত ১৫-২০ নভেম্বর ২০১৮ পর্যন্ত জাতীয় স্কাউট প্রশিক্ষণ কেন্দ্র, মৌচাক, গাজীপুরে ৩৭৯তম স্কাউট ইউনিট লিডার অ্যাডভান্সড কোর্স হয়ে গেল। কোর্সে বাংলাদেশের বিভিন্ন অঞ্চলের ৪৫ জন প্রশিক্ষণার্থী অংশগ্রহণ করেন। কোর্স লিডারের দায়িত্ব পালন করেন স্কাউটার মোঃ আক্তারুজ্জামান, আঞ্চলিক পরিচালক, বাংলাদেশ স্কাউটস, রেলওয়ে, নৌ ও এয়ার

অঞ্চল। কোর্স বাস্তবায়নে কোর্স লিডারকে সহায়তা করেন স্কাউটার মোঃ আবু তাহের মিয়া, সহ সভাপতি, বাংলাদেশ স্কাউটস, সিরাজগঞ্জ জেলা, স্কাউটার মোঃ তারা মিয়া, সহকারী শিক্ষক (অবঃ), সিটি কলেজিয়েট স্কুল, ময়মনসিংহ, স্কাউটার মোহাম্মদ আবু সাঈদ, সহকারী পরিচালক, বাংলাদেশ স্কাউটস, টাঙ্গাইল জেলা, স্কাউটার বিপ্লব কেতন চ্যাটার্জী, সহকারী শিক্ষক, সরকারি জুবিলী উচ্চ বিদ্যালয়, সদর, সুনামগঞ্জ, স্কাউটার

মোঃ রায়হান উবায়দুল্লাহ, সহকারী প্রধান, বাংলাদেশ ট্যারিফ কমিশন, ১ম-১২তলা সরকারি অফিস ভবন, সেগুনবাগিচা, ঢাকা, স্কাউটার সুকুমার বিশ্বাস, সহকারী শিক্ষক, রাজবাড়ী সরকারি উচ্চ বিদ্যালয়, রাজবাড়ী, স্কাউটার মাহবুবা ইয়াছমিন, সহকারী শিক্ষক, ধোপাকান্দি আদর্শ বালিকা উচ্চ বিদ্যালয়, গোপালপুর, টাঙ্গাইল, স্কাউটার মোঃ সৈকত হোসেন, সহকারী পরিচালক, বাংলাদেশ স্কাউটস, রংপুর জোন। বাংলাদেশ স্কাউটসের প্রধান জাতীয় কমিশনার মহোদয় কোর্সটি পরিদর্শন করেন। এছাড়া জাতীয় কমিশনার (উন্নয়ন), জাতীয় কমিশনার (প্রকল্প), জাতীয় কমিশনার (এক্সটেনশন স্কাউটিং), জাতীয় কমিশনার (প্রোগ্রাম), নির্বাহী পরিচালক এবং বাংলাদেশে স্কাউটিং সম্প্রসারণ ও স্কাউট শতাব্দী ভবন নির্মাণ প্রকল্পের প্রকল্প পরিচালক কোর্সটি পরিদর্শন করেন।





লালমাই, কুমিল্লায় ডিজিটাল মার্কেটিং ওয়ার্কশপ

বাংলাদেশ স্কাউটসের জনসংযোগ, প্রকাশনা ও মার্কেটিং বিভাগের উদ্যোগে ২-৩ নভেম্বর, ২০১৮ তারিখে আঞ্চলিক স্কাউট প্রশিক্ষণ কেন্দ্র, লালমাই, কুমিল্লায় সোশ্যাল মিডিয়া বিষয়ক আঞ্চলিক (নিউজ, ফটোগ্রাফী ও স্কাউটিং-এর ডিজিটাল মার্কেটিং)

বাংলাদেশ স্কাউটস, কুমিল্লা অঞ্চল। রিসোর্স পার্সন হিসেবে দায়িত্ব পালন করেন জনাব সরোয়ার মোহাম্মদ শাহরিয়ার, জাতীয় কমিশনার (জনসংযোগ, প্রকাশনা ও মার্কেটিং), বাংলাদেশ স্কাউটস, জনাব শাফায়াতুল ইসলাম খান, জাতীয় উপ কমিশনার

স্কাউটিং এর কি ধরণের গল্প সামাজিক যোগাযোগ মাধ্যমে প্রচার পেতে পারে, সামাজিক যোগাযোগে ব্যবহারের জন্য ছবি নির্বাচন ও সংবাদ/গল্প তৈরী, স্কাউটিং এর স্লোগান কি হতে পারে, ফেসবুক গ্রুপ, ফেসবুক পেইজ ও ইউটিউব খোলা ও ব্যবহার, জাতীয়



ওয়ার্কশপ এর বাস্তবায়ন করা হয়। ওয়ার্কশপে বাংলাদেশ স্কাউটস, কুমিল্লা, চট্টগ্রাম, সিলেট, রোভার, রেলওয়ে ও নৌ অঞ্চল এর আঞ্চলিক উপ কমিশনার (জনসংযোগ, প্রকাশনা ও মার্কেটিং), প্রফেশনাল স্কাউট এড্জিকিউটিভ এবং জেলা পর্যায়ের একজন করে প্রতিনিধি অংশগ্রহণ করেন। বিভিন্ন পর্যায়ের ৫১জন কর্মকর্তা এই ওয়ার্কশপে অংশগ্রহণ করেন। ওয়ার্কশপ পরিচালকের দায়িত্ব পালন করেন জনাব মোঃ সামছুল আমিন, আঞ্চলিক উপ কমিশনার (জনসংযোগ, প্রকাশনা ও মার্কেটিং),

(জনসংযোগ, প্রকাশনা ও মার্কেটিং), জনাব ফারুক আহম্মদ, উপ পরিচালক, বাংলাদেশ স্কাউটস, কুমিল্লা অঞ্চল, জনাব মশিউর রহমান, উপ পরিচালক (জনসংযোগ ও মার্কেটিং), বাংলাদেশ স্কাউটস।

ওয়ার্কশপে রিসোর্স পার্সনগণ আলোচনা করেন যথাক্রমে: ওয়ার্কশপের উদ্দেশ্য, একটি সন্তান কেন স্কাউটিং করবে, অভিভাবদের স্কাউটিংয়ে আকৃষ্ট করার উপায়, স্কাউটিং এর ইমেজ, ব্র্যান্ডিং ও আমাদের করণীয়, স্কাউটিং এর মার্কেটিং ও ডিজিটাল মার্কেটিং,

সদর দফতরের জনসংযোগ, প্রকাশনা ও মার্কেটিংয়ের কার্যক্রম অবহিতকরণ, বাংলাদেশ স্কাউটস এর সাম্প্রতিক কাজ ও সড়ক নিরাপত্তায় স্কাউটিং, ২০১৯ সালের জুন পর্যন্ত স্ব স্ব জেলা বা অঞ্চলে স্কাউটিং এর ইমেজ, ব্র্যান্ডিং ও মার্কেটিং এর জন্য করণীয়, অগ্রদূত সংবাদদাতা নিয়োগ ও সক্রিয়করণ পদ্ধতি।

২ নভেম্বর, ২০১৮ তারিখে জনাব মোঃ মফিজুল ইসলাম সরকার, আঞ্চলিক কমিশনার, বাংলাদেশ স্কাউটস কুমিল্লা অঞ্চল ওয়ার্কশপের উদ্বোধন করেন।

১১০তম স্কাউট ইউনিট লিডার স্কিল কোর্স

বাংলাদেশ স্কাউটস এর পরিচালনায় গত ২১-২৪ নভেম্বর ২০১৮ পর্যন্ত জাতীয় স্কাউট প্রশিক্ষণ কেন্দ্র, মৌচাক, গাজীপুরে ১১০তম স্কাউট ইউনিট লিডার স্কিল কোর্স হয়ে গেল। কোর্সে বাংলাদেশের বিভিন্ন অঞ্চলের ৪৫ জন প্রশিক্ষণার্থী অংশগ্রহণ করেন। উক্ত কোর্স লিডারের দায়িত্ব পালন করেন স্কাউটার মোহাম্মদ গোলাম মোস্তফা, পরিচালক (সমাজ উন্নয়ন ও স্বাস্থ্য), বাংলাদেশ স্কাউটস। কোর্সে স্কাউটার স্কাউটার এ.এইচ.এম মুহসিনুল ইসলাম, পরিচালক, জাতীয় স্কাউট প্রশিক্ষণ কেন্দ্র, মৌচাক, গাজীপুর, স্কাউটার কাজী আমিরুল ইসলাম, সম্পাদক, বাংলাদেশ স্কাউটস, খুলনা রেলওয়ে জেলা, স্কাউটার এ.এইচ. এম. মহসিন, উপ পরিচালক, জাতীয় স্কাউট প্রশিক্ষণ কেন্দ্র, মৌচাক, গাজীপুর, স্কাউটার এস.এম. জাহির উল আলম, সহকারী পরিচালক (হিসাব-১), বাংলাদেশ স্কাউটস, স্কাউটার কমল কান্তি গোপ, সম্পাদক, বাংলাদেশ স্কাউটস, জামালপুর জেলা রোভার, স্কাউটার মোঃ হাবিবুর রহমান, নৌ স্কাউট লিডার, বাংলাদেশ স্কাউটস, খুলনা জেলা নৌ, স্কাউটার মোঃ তারা মিয়া, সহকারী শিক্ষক (অবঃ), সিটি কলেজিয়েট স্কুল, ময়মনসিংহ, স্কাউটার মোল্লা মোঃ জাহিরুল ইসলাম নাসিম, সম্পাদক, বাংলাদেশ স্কাউটস, মাদারীপুর জেলা রোভার প্রশিক্ষক হিসেবে দায়িত্ব পালন করেন।





৪৭তম বার্ষিক কাউন্সিল সভার কিছু আলোকচিত্র



৪৭তম বার্ষিক কাউন্সিল সভার কিছু আলোকচিত্র





৪৭তম বার্ষিক কাউন্সিল সভার কিছু আলোকচিত্র



৪৭তম বার্ষিক কাউন্সিল সভার কিছু আলোকচিত্র





৪৭তম বার্ষিক কাউন্সিল সভার কিছু আলোকচিত্র



জামুরীর তারিখ পরিবর্তন


বাংলাদেশ স্কাউটস এর দশম জাতীয় ও তৃতীয় সানসো স্কাউট জামুরী ২৩-২৯ জানুয়ারি ২০১৯ তারিখের পরিবর্তে অনিবার্য কারণে আগামী ০৮-১৪ মার্চ ২০১৯ পর্যন্ত জাতীয় স্কাউট প্রশিক্ষণ কেন্দ্র, মৌচাক, গাজীপুরে অনুষ্ঠিত হবে।

শোক সংবাদ

বাংলাদেশ স্কাউটস, রোভার অঞ্চলের আঞ্চলিক কমিশনার এবং মাধ্যমিক ও উচ্চ শিক্ষা অধিদপ্তরের মহাপরিচালক প্রফেসর মোঃ মাহবুবুর রহমান ৩ নভেম্বর, ২০১৮ তারিখে সিজাপুরে চিকিৎসাধীন অবস্থায় ইন্তেকাল করেন (ইন্না-লিল্লাহি ওয়া ইন্না ইলাহি রাজিউন)



বাংলাদেশ স্কাউটস, কুমিল্লা অঞ্চলের সাবেক আঞ্চলিক কমিশনার এবং সাবেক প্রধান শিক্ষক, ফেনী সেন্ট্রাল মাধ্যমিক বিদ্যালয় কামাল হাসান চৌধুরী ২৪ নভেম্বর, ২০১৮ তারিখে ঢাকার ল্যাভএইড হাসপাতালে চিকিৎসাধীন অবস্থায় ইন্তেকাল করেন (ইন্না-লিল্লাহি ওয়া ইন্না ইলাহি রাজিউন)



যদি আরও জানতে চান...

অফিসিয়াল ফেইসবুক পেজ:
www.facebook.com/bangladeshscouts

ক্লিক করুন:
www.scouts.gov.bd

নোটিশ বোর্ড

বাংলাদেশ স্কাউটস ইনবক্সে স্কাউটিং সম্পর্কিত সংবাদ, প্রতিবেদন এবং ছবি পাঠানোর ঠিকানা

বাংলাদেশ স্কাউটস, জাতীয় সদর দফতর ৬০, আঞ্জুমান মুফিদুল ইসলাম রোড কাকরাইল, ঢাকা-১০০০।

ফোন : ০২ ৯৩৩৩৬৫১

মোবাইল : ০১৭১২-৮৬৪১১৫

ই-মেইল :

ncshahriar@yahoo.com

probangladeshscouts@gmail.com

সম্পাদনা পরিষদ

প্রধান উপদেষ্টা

ড. মোঃ মোজাম্মেল হক খান
প্রধান জাতীয় কমিশনার

সম্পাদক

সরোয়ার মোহাম্মদ শাহরিয়ার
জাতীয় কমিশনার (জনসংযোগ, প্রকাশনা ও মার্কেটিং)

প্রকাশক

আরশাদুল মুকাদ্দিস
নির্বাহী পরিচালক (ভারপ্রাপ্ত)

নির্বাহী সম্পাদক

মোঃ মশিউর রহমান
উপ পরিচালক (জনসংযোগ ও মার্কেটিং)

প্রকাশনায়

জনসংযোগ, প্রকাশনা ও মার্কেটিং বিভাগ
বাংলাদেশ স্কাউটস